

समा. 09.20 Hrs

[illegible]

Headlines

- मुख्यमंत्री उमर अब्दुल्ला हों जम्मू-कश्मीर दे बच्चें दे भविष्य की आकार देने लेई सांझी जिम्मेवारी दा आहवाण कीता ऐ। श्रीनगर च इक्क-रोजा शिक्षा कांफ्रेंस च भाषण दिंदे होई उ'नें इस कम्मा च अध्यापकें दी सहायता करने दा भरोसा दिता
- राज्य कार्यकारी कमेटी SEC ने आपदा कन्वै निबड़ने सरबन्धी उपाएं लेई 664.54 करोड़ रपे दी मंजूरी देई दिती ऐ। समूलचे जम्मू-कश्मीर च इक्क ज्हार 227 कम्म होगन ते 8 ज्हार 804 घरें दा परतियै निर्माण कीता जाहग।
- पैगबर मुहम्मद हुंदा जन्म ध्याड़ा “ईद-मिलाद-उन-नबी” मुख्यै दे होरनें हिस्सें आहले लेखा जम्मू-कश्मीर च बी मनाया जा करदा ऐ।
- राष्ट्रपति द्रौपदी मुरमू- प्रधानमंत्री नरेन्द्र मोदी- लैफ्टिनेंट गवर्नर मनोज सिन्हा ते मुख्यमंत्री उमर अब्दुल्ला हों “मिलाद-उन-नबी” दे मौके पर लोकें की शुभकामनां दितियां न।

< > < > < > < > < > < >

CM –Children

मुख्यमंत्री उमर अब्दुल्ला होरें कल्ल आखेआ ऐ जे साढे बच्चें दे भविष्य गी आकार देने दी जिम्मेदारी इक्कले अध्यापकें पर नैई सुट्टी जाई सकदी। उ'नें तेजी कन्नै बदलोआ करदी दुनिया च बच्चें गी तैयार करने लेई सरकार- माता पिता ते अध्यापकें गी किटठे रलियै कम्म करने दी जरूरतै पर जोर पाया।

शेरे-कश्मीर अंतराष्ट्रीय कन्वेंशन सेंटर श्रीनगर च J&K टीचर फोरम आसेआ लोआए गेदे इक्क रोजा शिक्षा सम्मेलन च भाशन दिंदे होई मुख्यमंत्री होरें आखेआ जे बच्चें दा भविष्य बनाने च अध्यापक महत्त्व आहली भूमिका नभाई सकदे न- उयां सारी जिम्मेदारी छडी अध्यापकें पर गै नई सुट्टी जाई सकदी ते इयां करने कन्नै पैहलें गै बडे मते दबाव दा सामना करने आहले पेशे पर, होर बी गैर जरूरी दबाव पेई जाहग।

<><><><><><><>

SEC-Meet

मुख्य सचिव अटल डुल्लु हुंदी अध्यक्षता च कल्ल आपदा प्रबंधन- राहत- नमें सिरेआ आबादकारी ते परतियै निर्माण करने मुत्तलक राज्य कार्यकारी कमेटी SEC दी कल्ल इक्क मीटिंग लग्गी। इस दौरान गृहमंत्रालय आसेआ आपदा प्रबंधन प्राधिकरण राएं मंजूर कीती गेदी- आपदा दे मगरा आहली जरूरतें दे आकलन मुत्तलक सहायता तैहत जम्मू-कश्मीर च आपदा सवां उब्भरने ते परतियै निर्माण लेई व्यापक उपाएं गी मंजूरी दिती गेई। मंजूर कीते गेदे कम्में च फौरी 664.54 करोड़ रुपे दा खर्च शामिल ऐ- जेदे च इक्क जहार 227 मूलढांचे सरबंधी कम्म ते पूरी चाल्ली तबाह होई गेदे 8 जहार 804 घरें दी मरम्मत दा कम्म शामिल ऐ।

<><><><><><><>

Kousar Nag Yatra

जिला रियासी दी प्रमुख धार्मिक यात्राएं चा इक सालाना कौसर नाग यात्रा 2026 सुरक्षित- बवस्थित ते सुचारु ढंगे कन्नै सम्पन्न होई गेई। इस यात्रा च जिले दे बक्ख-बक्ख हिस्सें थमां 300 शा मते शरदालुएं हिस्सा लैता। यात्रा गी सफल बनाने आस्तै जिला प्रशासन- पुलिस- सुरक्षा एजेंसियें- NDRF- MRT- सेहत मैहकमे ते होर दुए सरबन्धत मैहकमे ते एजेंसियें बश्कार नेडमे तालमेल कन्नै कम्म कीता गेआ। यात्रा 21 अगस्त 2026 गी बड्डलै रियासी थमां शुरू होई ते अरनास- धरमाडी- मौहर- सुंगरी- चसाना ते सरसोटे थमां हुंदी होई 23 अगस्त 2026 गी दपैहरी पवित्तर कौसर नाग सरोवर पुज्जी गेआ। पवित्तर झील उप्पर पुज्जने मगरा शरदालुएं परम्परा मताबक पूजा ते दुए धार्मिक अनुष्ठान कीते।

यात्रा दे प्रबंधं दी निगरानी रियासी दे डिप्टी कमीशनर कुमार अभिषेक हुंदी दिक्ख-रिक्ख च कीती गई- जदके सब डिविजनल मैजिस्ट्रेट, महौर गी यात्रा प्रबंधं दा इंचारज बनाया गेआ ह। जिला प्रशासन आसेआ शरदालुएं आस्तै खाने-पीने- रौहने- बिजली ते होर दुइएं जरूरी सुविधाएं दा प्रक्खता प्रबंध कीता गेआ।

<><><><><><><>

Eid-UI-Milad Nabi

पैंगबर हजरत मुहम्मद हुंदा जन्म ध्याड़ा “ईद-मिलाद-उन-नबी” अज्ज मुखै दे बक्ख-बक्ख हिस्सें च धर्मिक जोश कन्नै मनाया जा’रदा ऐ। पैंगबर मुहम्मद हुंदी शिक्षाएं ते जीवन गी उजागर करने लेई मिलाद मेहफिलां ते सीरत कांफ्रेसिंगें दा आयोजन कीता जा’करदा ऐ। मिलाद जुलूस बी कइडे जा’करदे न। जम्मू-कश्मीर च बी “ईद-मिलाद-उन-नबी” मनाई जा’करदी ऐ।

राश्ट्रति द्रौपदी मुरमी होरें “ईद-मिलाद-उन-नबी” दे मौके पर लोकें गी शुभकामनां दितियां न। राश्ट्रपति होरें अपने सनेह च आखेआ जे “ईद-ए-मिलाद-उन-नबी” पैंगबर मुहम्मद हुंदी शिक्षाएं गी चेता करने दा मौका ऐ। राश्ट्रपति मुरमू होरें आखेआ जे पैंगबर हुंदी शिक्षा नागरिकें गी नेक आचरण ते कर्तव्य पालन दी बता पर चलने दी प्रेरणा दिंदी ऐ। उ’नें आखेआ जे पैंगबर मुहम्मद हुंदे नेक आदर्श देशवासियें गी इक्क समावेशी ते विकसित मुख्य दे निर्माण च सरगर्म योगदान देने लेई प्रेरणा दिंदे न।

प्रधानमंत्री नरेन्द्र मोदी होरें ईद दे मौके पर लोकें गी शुभकामनां दितियां न। श्री मोदी होरें इक्क सोशल मीडिया पोस्ट च एह मेद जताई जे एह मौका दुनिया भरै च इक्क-जुटता ते खुशियें च बाद्दा करोग।

<><><><><><><>

LG- Greetings

उपराज्यपाल मनोज सिन्हा होरें पैंगबर मुहम्मद हुंदी जयंती दे रुपै च मनाए जाने आहले “ईद-मिलाद-उन-नबी” दे पाक मौके पर लोकें गी शुभकामनां दितियां न। इक संदेश च उपराज्यपाल होरें आखेआ ऐ जे “मिलाद-उन-नबी” दे इस पवित्र मौके पर सारें गी दिली मबारकबाद दिन्नां।

पैंगबर साहब हुंदा जीवन ते उंदियां शिक्षा पूरी मानवता आस्तै शांति- मानवता दा संदेश दिंदियां न। उ'नें आखेआ जे इस पाक दिन आओ अस सारे मिलियै प्रेम- दया ते भाईचारे दी उन्दी दस्सी दी बत पर चलने दा संकल्प करचै ते इक-दुए दे सैहयोग कन्नै इक सौहार्दपूर्ण ते एकजुट समाज बनाने आस्तै कम्म करचै।

<><><><><><><><>

CM -Greeting

मुख्यमंत्री उमर अब्दुल्ला होरें पैंगबर मुहम्मद हुंदी जयंती दे रुपै च मनाए जाने आहले “ईद-मिलाद-उन-नबी” दे मौके पर सारें गी मबारकबाद दिती ऐ। अपने इक संदेश च मुख्यमंत्री होरें आखेआ जे पैंगबर साहब दा जीवन ते उंदियां शिक्षा मानवता आस्तै शांति- करुणा- समानता ते भाईचारे दा संदेश दिंदियां न। उमर अब्दुल्ला होरें लोकें गी इनें शिक्षाएं गी अपने रोजमर्रा दे जीवन च अपनाने लेई आखेआ ते इक सौहार्दपूर्ण ते संवेदनशील समाज बनाने लई रलियै कम्म करने दा आहवान कीता।

<><><><><><><><>

Dy. CM Greetings

उपमुख्यमंत्री सुरिंदर चौधरी होरें “ईद-मिलाद-उन-नबी” दे पवितर मौके पर जम्मू-कश्मीर दे लोकें गी मबारकबाद दिती ऐ। अपने इक संदेश च उपमुख्यमंत्री होरें आखेआ जे एह पवितर ध्याड़ा असें”गी पैंगबर मुहम्मद हुंदी महान शिक्षाएं दा चेता करोआंदा ऐ- जिनें मानवता गी सच्चाई- दया ते सेवा दी बत दस्सी। उ'नें मेद जताई जे एह पवितर पाक दिन लोकें गी आपसी सम्मान ते भाईचारे दे मुल्यें गी कायम रखने दी प्रेरणा देग- जेहदे कन्नै समाज च एकता ते तरक्की गी बढावा थहोग। सुरिंदर चौधरी होरें इस मौके पर जम्मू-कश्मीर दे लोकें दी शांति ते खुशहाली लेई प्रार्थना बी कीती।

<><><><><><><><>

Rana Greetings

जल शक्ति- जंगलात ते पर्यावरण ते जनजातियें मामलें दे मंत्री जावेद अहमद राणा होरें ईद-ए-मिलाद-उन-नबी दे पवित्र मौके पर जम्मू-कश्मीर दे लोकें गी हार्दिक शुभकामनां दितियां न। अपने इक संदेश च मंत्री होरें आखेआ जे एह पवित्र ध्याड़ा पैंगबर मुहम्मद हुंदी महान शिक्षाएं ते उन्दे आर्दश जीवन उप्पर चिंतन करने दा मौका दिंदा ऐ। उ'नें आखेआ जे एह पाक मौका असेंगी शांति- खुशहाली ते पूरी मानवता दी भलाई आस्तै परमात्मा दा आर्शिवाद ते रहमत मंगने दा बी इक अवसर दिंदा ऐ। मंत्री होरें मेद जताई ऐ जे एह पवित्र मौका समाज दे हर वर्ग बशकार भाईचारा- सौहार्द ते आपसी रिश्तें गी होर मजबूत करोग ते शांतिपूर्ण प्रगतिशील ते खुशहाल जम्मू-कश्मीर बनाने आस्तै सामूहक रुप कन्नै कम्म करने दी बी प्रेरणा देग।

<><><><><><><><>

Dar Greetings

कृषि उत्पादन- ग्रामीण विकास ते पंचैती राज ते चुनां मैहकमे दे मंत्री जावेद अहमद डार होरे ईद-ए-मिलाद-उन-नबी दे पाक मौके पर जम्मू-कश्मीर दे लोकें गी शुभकामनां दितियां न। अपने इक सनेह च मंत्री होरें आखेआ जे एह पवित्र ध्याड़ा असेंगी पैंगबर मुहम्मद हुंदे आदर्श जीवन ते उन्दी शिक्षाएं पर चिंतन करने दा अवसर दिंदा ऐ। उ'नें आखेआ जे मुहम्मद साहब दियां शिक्षा अज्ज बी पूरी मानवता गी शांति- करुणा- सहनशीलता ते न्याय दी बत्ता उप्पर चलने दी प्रेरणा दिदियां न।

<><><><><><><><>

Satish Greetings

खाद्य- नागरिक आपूर्ति ते उपभोक्ता मामले ते युवा सेवाएं ते खेड्ढ मंत्री सतीश शर्मा होरें पैंगबर मोहम्मद हुंदे जन्म ध्याड़े दे रुपै च मनाए जाने आहले ईद-ए-मिलाद-उन-नबी दे शुभ मौके पर जम्मू-कश्मीर दे लोकें गी हार्दिक शुभकामनां दितियां न।

अपने संदेश च मंत्री होरें आखेआ जे ईद-ए-मिलाद-उन-नबी इक खास ते पवितर मौका ऐ- जेहदा मानवता गी
पैंगबर साहब दियें महान शिक्षाएं दा चेता करोआंदा ऐ। उ'नें आखेआ जे पैंगबर मुहम्मद हुंदी शिक्षा दया-
न्याय ते मानवता दी निस्वार्थ सेवा पर केन्द्रत न।

<><><><><><><>